



Hngakchia caah Bible

Achuahu

Pathian nih Zeizong
vialte a ser tikah



Attial tu: Edward Hughes

Hrilhfiang tu: Byron Unger; Lazarus
Alastair Paterson

A hmangtu: Bob Davies; Tammy S.

Alettu: Hre Ling

Achhuah tu: Bible for Children
www.M1914.org

©2020 Bible for Children, Inc.

Lisen: Hi tuanbia hi Zawr awk si lo in hman awk ah copy
le print tuah khawh a si.




Aho nih dah a kan ser? Pathian Bia a simi Baibal nih
minung hramthokning kong a kan chimh. Hlan liopi ah
Pathian nih mipa pakhat a rak ser i,
Adam tiah min a rak sak.



Pathian nih Adam cu vawleidip in a rak ser. Pathian
nih Adam chungah a thaw a chuahhnawh tikah,
minung ah a hung cang. Eden timi dum dawh
ngaingai chung ah a um ko kha
Adam ni aa hmu.



Pathian nih Adam a rak ser hlanah, aa dawh
ngaingaimi vawlei kha a ser i, khuaruahhar thil
phunphun in a khater.



Pathian nih thil cu a dotdot in a rak ser hna; tlang ram hna, phong ram hna, a rim a hmuimi pangpar hna, thingkung sangpipi hna a hmul aa dawhmi vate hna, awthawng he a zuangmi khuai hna, cerh i aa bualmi whales nga hna le a naal ngaingaimi dawkawh cengkeuh vialte hna zong a rak ser hna.



A hramthokte, Pathian nih zeihmanh
arak ser hlanah, Pathian dah ti
lo cu, zeihmanh a rak um lo.

Minung an um lo, hmunhma
an um lo, thilri zong an rak
um lo. Zeihmanh an
rak um hrimhrim lo.

Ceunak zong a rak
um lo i, muihnak zong
a rak um lo. Cunglei kai
le tanglei ttum ti zong a
rak um lo. Nizan ti zong a
rak um lo i, thaizing ti zong a rak um lo.

Hramthoknak a ngei lomi Pathian lawnglawng
a rak um. Cun, Pathian nih rian a hun ttuan!



A hramthok ah
Pathian nih van
hna le vawlei a
rak ser hna.



Vawlei cu mui zong a rak ngei
lo, pungsan zong a rak
ngei lo. A hmai cu
muinhak thukpi
nih a rak
khuh. Cun,
Pathiannih
bia arak
chim.


"Ceunak
um
seh",
a rak
ti.




Ceunak cu a hung um. Pathian nih ceunak cu 'chun' a ti i, muinak cu 'zan', tiah a ti. Cun zanlei le zinglei an hung um i, cucu ni khatnak ni cu a si.



A ni hnihnak ni ah Pahtian nih rili tili le tibual hna in ti kha a laak hna i van tangah a chiah hna. A nithumnak ni ah, Pathian nih hitihin a rak chim: "Vawlei ro lang seh" a rak ti. Vawlei ro cu a hung lang.



Pathian nih hramh hna, pangpar hna, burbuk hna,
thingkung hna hung lang dingin nawl
a pek fawn hna. Cuticun
an hung cang hna.



Zanlei a dih i zinglei, thlapa le ahohmanh nih rel
cawk lo dingmi arfi tampi a rak ser hna.

Zanlei a dih i zinglei a hung
chuak i, nithumnak
ni cu a si.



Cun Pathian nih nika, thlapa le
ahohmanh nih rel cawk lo dingmi
arfi tampi a rak ser hna.


Zanlei le Zinglei an hung um
i, ni linak ni a si.



Tichung thilnung hna, nga hna
le va hna kha a hun changtu
ah Pathian nih a ser hna. A
ni nganak ni ah, Pathian nih
naam bantuk asimi nga nganpi,
nga hmetete hna, a ke a saumi
Ostick va hna, lunglawm
ngaiin a awnmi va hna kha
a rak ser hna. Pathian nih,
vawlei cung ummi ti vialte
khat ding in nga phunphun
a ser hna. Vawlei, thli le van
i aa nuam dingah va phunphun
hna zong a ser hna. Zanlei le
Zinglei an hung um i, a ni nganak ni a si.




Cu hnuah, Pathian nih bia a chim tthan: "Vawlei ah a nungmi thilnung chuah hna seh," a ti. Saram phunphun, butit khaubok a phunphun le a paw in a lawnmi a phunphun cu an hung chuak. A ngan ngaingaimi vui le duhsah tein a cawlcangmi tisartlam hna zong an hung chuak.



A huatchuak ngaimi zawng hna le ngol hngal loin rian a ttuanmi beaver hna zong an hung chuak. A cawlcaang pengmi rungrul hna le a biang a bopmi leittial hna zong an hung chuak. Abubu in a tlongmi giraff hna le a ngur hliamhmahmi chizawh tete hna zong an hung chuak. Pathian nih cu ni ah cun saram phuntling a rak ser dih hna. Zanlei le zinglei an hung um i, cucu ni ruknak ni cu a si.



Niruk ni ah cun Pathian nih thildang a ser
rih. A ttha khunmi thil a rak ser. Zeizong vialte
cu minung caah timhcia dih an si cang. Vawlei nih a
rawl a chuah i, saram kha
hman khawh dingin
an um cang fawn.



Cun Pahtian nih hitihin a chim: "Kanmah muikeng
in minung ser usih. Vawlei cung thil vialte uktu ah
amah cu ser usih," a ti. Cuticun, Pathian nih minung
cu Amah muikeng in a rak
ser. Pathian muikeng in
minung cu ser a rak si.



Pathian nih Adam
kha hitihin bia a
chimh: "Dum chung
thil hi na duhmi
paoh na ei khawh.
Sihmanhselaw chia
le ttha hngalhnak
thingkung thei cu ei
hlah. Na ei ahcun
na thi hrimhhrim
lai", a ti.



Cun, Bawipa Pathian nih hitihin a chim, "Mipa amah lawng i um cu a ttha lo, amah caah bawmtu ka serpiak lai" a ti. Pathian nih saram le vate vialte cu



Adam sinah a rak put hna. Adam nih min a rak sak dih hna. Minsak a rak thiam ngaingai ko rua. Sihmanhsehlaw cu saram le vate vialte hna cu, Adam caah hawikomh awktlak an si lo.



Pathian nih Adam cu thu hluahmah in a hngiher.
Aa hnihil karah a hnakruh pakhat a laak i, Adam
hnakruh cun nu pakhat a ser. Pathian nih a sermi
minu cu Adam caah
hawikom ttha taktak
a si ding mi a si.



Pathian nih zeizong vialte kha ni ruk chungah
a ser dih hna. Cun Pathian nih nisarih ni ah
cun thluachuah a pek hna i, dinh ni ah a ser.
Eden dum chungah cun, Adam le a nupi Eve
cun Pathian nawl an rak ngai i, tlamtlingmi
lunglawmhnnak he khua an rak sa.

Pathian cu an Bawipa a rak si,
Anmah bawmtu le an hawikom
a rak si.



Pathian nih Zeizong vialte a ser tikah

Pathian bia ah kan hmuh mi tuanbia hi, Bible,

chung ta a si

Genesis 1-2

“Na bia thiang nih ceunak a pek.”
Salm 119:1330





Adonghnak



Hi Bible tuanbia nih, khuaruahhar a si mi, a kan ser tu Pathian kha hngalh ter a kan duh. Pathian cu thil ttha lo kan tuah mi kha a hngalh, a ttha lo mi tuah cu sualnak a si.

Sualnak man cu thihnak a si. Sihmanhsehlaw, Pathian nih a kan dawt tuk caah Afapa ngeihchun Zesuh Krih a kan pek i, kan mah aiawh in vailam cung ah a thi. Cu hnu ah thihnak in a tho tthan i, van cung ah a kal! Zisuh Krih kha na zumh i, na sualnak kha na ngaihchih ah cun an ngaihthiam ko lai! Na sin ah a ra lai i, nan um tti lai. A mah he zungzal nan um tti lai. Na sualnak kha kal tak na duh ah cun, hitihin Pathian sin ah thlacam: Dawt tu Pathian, Zesuh Krih cu ka caah a thi i, a tho tthan cang. Maw Bawipa, ka sin ah ra law ka sualnak viatle kha ka ngaihthiam ko. Maw Bawipa, zungzal nunnak ka ngei i na sin ah zungzal ka um nak hnga, ka sin ah ra law, ka sualnak kha ka ngaih thiam ko. Na fapa bantuk in ka nun khawhnak hnga ka bawmh ko. Amen.

Nifatin Bible rel law Pathian he i chawn uh. Johan 3:16

